

Kata Pengalo – Ngalo Ras Momo

Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage si dengkehken momo kerna perdalanan perpulungen Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

Kata Penaruh

=====

Mejuah-juah turang ras senina i bas gelar Jesus Krisus. Simpar tuhu pemere Dibata man banta. Geluhta, pendahinta ras gegeh guna ndahiken dahin e, Dibata simerekenca. Ipasu-pasuNa sidahiken kita seh maka ruluh pendahinta. IA me kap simada sinasa si lit i bas kita. IA kap ulu gegehta sierbanca kita ngasup ndahiken dahinta ras makekenca. Erdandanken sie patut me kita ngataken bujur man Dibata.

Mari dage arah kebaktinta enda, sipehaga Tuhan, si endesken dirinta jadi persembahan si nggeluh, dengen jadi tanda keriahen ukurta, sipersembahkan me ulih peraninta si mehulina selaku kita bagin kula ni Kristus. Kerina enda silakoken guna ngkuhi ras mpegegehi dahin pelayanen GBKP.

Nina Dibata erpalasken imamat 23 : 21 : “I bas wari e la banci idahindu dahinndu, tapi kam arus pulung guna ersembah man TUHAN. Kerina kesusurenndu arus ngikutken peraturen enda seh rasa lalap, subuk i ja pe ia tading”

Erkata Lonceng

(Perp. Tedis)

Rende

KEE No. 366 : 1, 2, 3, 4

(Serayan Kebaktin Bengket Ku Mimbar)

Kebaktin Minggu, 05 Juli 2026
Minggu V Kenca Trinitatis / Minggu Kerja Rani

3	Votum – Salam <i>(Perp. Tedis)</i>
L	I bas gelar Dibata Bapa, AnakNa Jesus Kristus ras Kesah si Badia. Penampat man banta reh i bas Dibata si erkuasa mereken ulih pendahinta, i bas Jesus Kristus sipengasup kita mpersembahkan kegeluhenta ras Kesah Si Badia simereken kepentaren makeken ulih pendahinta. Amin.
P	Amin Amin Amin (iendeken)
4	Berita Kerna Pendahin Ras Sura-Sura Dibata (Invocatio)
L	“Ketuahen kalak si muas melihe nehken peraten Dibata; sabap ibesuriNa me ia” (Matius 5 : 6). Erpalasken Kata Dibata enda, si puji IA alu radu ras ngendeken : KEE No. 348 : 1, 2, 3
5	Padan Dibata Kerna Persembahen Kerja Rani <i>(Perp. Kundul)</i>
L	Beligai pitu minggu kenca ipersembahkenndu pungo gandum si pemena ndai. Dage i bas wari si pelima puluhken, e me sada wari kenca lepas wari Sabat si pepituken, bahan ka persembahen gandum si mbaru man TUHAN. Tep-tep keluarga arus maba dua ngkibul roti jadi persembahen si iendesken man TUHAN. Tep-tep ngkibul roti tepungna dua kilo, tama ragina, jenari itasakken, janah persembahen man TUHAN selaku persembahen ulih peranin si pemena. Tambah-tambah roti ndai, kerina anak kuta arus mpersembahen pitu anak biri-biri umur sada tahun, sada jenggi lembu, dua kambing. Kerina si enda la banci lit sitik pe si man pandangan, janah ipersembahen man TUHAN jadi persembahen tutungen, rikut ras persembahen buah gandum ras lau anggur. Kerina persembahen enda merim iakap TUHAN. Tambah si e persembahen ka pe sada bajar kambing jadi persembahen pengalemi dosa, janah dua anak biri-biri umur sada tahun jadi persembahen persadan. Sekalak imam mpersembahen roti ras anak biri-biri si dua e jadi persembahen man TUHAN guna imam-imam. Persembahen enda tuhu-tuhu badia. I bas wari e la banci idahindu dahinndu, tapi kam arus

	<p>pulung guna ersembah man TUHAN. Kerina kesusurenndu arus ngikutken peraturen enda seh rasa lalap, subuk i ja pe ia tading (Imamat 23 : 15 – 21).</p> <p>Mari dage si puji Dibata, alu ngendeken : KEE No. 289: 1, 2, 3</p>
6	Pengakun Kerna La Ndalanken Pedah Dibata
L	<p>Sieteh maka Dibata nge simasu-masu kerina pendahinta, seh sidatken ulihna i bas kegeluhenta. Tapi megati kita la ndalanken pedah Dibata guna mereken ulih pendahin simehulina, erdandanken aru ateta kerna keperluan geluh. Marilah si bengketi paksa teneng guna ngukuri kelepakenta i bas la ndalanken pedah Dibata.</p> <p style="text-align: center;"><i>(Paksa Teneng)</i></p>
L	Siakuken kelepakenta alu ngendeken : KEE No. 76 : 1, 2, 3
7	Pegegeh Guna Ndalanken Pedah Dibata <i>(Perp. Tedis)</i>
L	<p>Selaku persuruhan Dibata, aku nehken kataNa man banta, niNa: <i>“Perbahan si e, ola aru atendu kerna nakan ras inemen si iperlukenndu i bas geluhndu ntah kerna uis si man pakenndu. Ergan nge kesah asangken nakan janah ergan nge kula asangken uis” (Matius 6 : 25).</i></p> <p>Sikataken bujur man Dibata alu ngendeken : KEE No. 378 (2x)</p>
8	Kata Dibata <i>(Perp. Kundul)</i>
a	<p>Marilah sibegiken Kata Dibata si man ogenken ibas Minggu enda sini ibuat ibas Kitab Perbahanen Rasul-rasul 4 : 32 - 35. Mari siogeken secara pegancih. Sibenaken pengogenta</p> <p style="text-align: center;"><u>Persadan perukuren i bas Perpulungen</u></p>
4:32 L	<p>Kerina kalak si enggo erkiniteken e ersada ukurna dengen ersada pe penggejapenna. La lit sekalak pe si ngatakenca maka erta-erta si lit i bas ia, si kerajanggenna sisada; tapi kerina iraskenna.</p>
4:33 P	<p>Alu kuasa si mbelin isaksiken rasul-rasul e maka Tuhan Jesus enggo keke i bas si mate nari. Janah Dibata mereken pasu-pasuNa si mbelin man perpulungen e.</p>

4:34 L	La lit sekalak pe si kekurangan, sabap kalak si lit taneh ntah rumahna, idayakenna.
4:35 P	<p data-bbox="276 409 1508 571">Janah duitna iberekenna man rasul-rasul. Jenari ibagiken rasul-rasul man perpulungen rikutken keperlunna sekalak-sekalak.</p> <p data-bbox="276 571 1508 672">Ketuahen kalak simegiken Kata Dibata, dingén simakekenca i bas geluhna si tep-tep wari, Haleluya.</p> <p data-bbox="276 672 1508 784">Ialoi perpulungen alu ngendeken :</p> <p data-bbox="276 784 1508 896"><i>Haleluya</i></p> <p data-bbox="276 896 1508 1008"><i>Haleluya</i></p> <p data-bbox="276 1008 1508 1120"><i>Haleluya</i></p>

b	Ertoto guna Khotbah
c	Khotbah : Ulangen 16 : 9 - 12. Tema : “Kerja Rani Guna Pehaga Tuhan”
d	Ertoto kenca khotbah
9	Pengakun Kiniteken <i>(Perp. Tedis)</i>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap.</p> <p>Amin.</p>
10	Persembahen <i>(Perp. Kundul)</i>
L	<p><i>Sekalak-sekalak arus maba persembahen, rikutken kengasupenna, sue ras pasu-pasu si enggo ibereken TUHAN Dibatandu” (Ulangen 16 : 16b – 17).</i></p> <p>Tupung si endesken persembahenta, mari rende kita i bas : KEE No. 420 : 1, 2, 3</p> <p>Pertoton Persembahen ras Syafaat</p>
11	Ngendesken Persembahen Kerja Rani
L	<p>Mari dage sipersembahkan ulih peranin si mehulina man Dibata alu ngendeken : KEE No. 459 : 1, 2, 3</p> <p>Ertoto kita kerna persembahen kerja raninta</p>

12	Perpadanen Man Dibata <i>(Perp. Tedis)</i>
L	Tuhu seh buena pemere Dibata man banta. Kai nge si jadi tekadta?
P	Erpadan aku Tuhan, ngikutken pedahNdu alu ngendesken diringku ras empersembahkan ulih peraninku si mehulina man baNdu.
L	Nina Dibata, ola aru atendu kerna wari si pepagi, Kai nge si jadi tekadta?
P	Lanai aru ateku Tuhan, erkiteken Kam nge sinjamini geluhku ras isi jabuku.
L	Bagi Dibata mpeken-kena bangsaNa, kai ndia tanggungjababta nandangi sesamanta ?
P	Erpadan aku Tuhan makeken pemereNdu jadi pasu-pasu man gereja ras teman manusia.
L	Si pegegehi perpadanenta man Dibata alu ngendeken : KEE No. 370 : 1, 2, 3
13	Pertoton Tuhan
14	Pengutusen Ras Pasu-Pasu Dibata
L	Persembahkanlah geluhndu, pakekenlah pemere Dibata si lit i bas kam jadi pasu-pasu man gereja ras man temanndu manusia. Janah jadi gegehndu, alokenlah pasu-pasu idur Dibata nari : <i>“Kupas-pasu ia, janah Kubere ringan i sekelewet delengKu si badia. I je Kupasu-pasu alu udan katawari ia perlu. Batang kayu erbuah, janah mereken ulihna, janah kerina kalak nggeluh alu teneng i bas tanehna”</i> Amin. (bdk. Esekiel 34 : 26 – 27a).
	Ialoi perpulungen alu ngendeken : A..min A....min Amin
	<i>SELAMAT HARI MINGGU/SYALOOM.....</i>